



Broj: 16-12-16-2-5389-*S*/16
I. Sarajevo, *29.09* 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-5389/16 od 27.09.2016. godine, u postupku javne nabavke softvera za virtualizaciju za potrebe Državne agencije za istrage i zaštitu, direktor Državne agencije za istrage i zaštitu,
d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku softvera za virtualizaciju za potrebe Državne agencije za istrage i zaštitu

Član 1.

Prihvata se preporuka Komisija II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-5389/16 od 27.09.2016. godine i ugovor za javnu nabavku softvera za virtualizaciju za potrebe Državne agencije za istrage i zaštitu dodjeljuje ponuđaču „Prointer ITSS” d.o.o. Banja Luka, ponuda broj 16-12-16-2-5389-3/16 od 15.09.2016. godine za ponudenu cijenu od 9.226,35 KM bez uračunatog PDV-a.

Član 2.

(1) Ponuđač „Prointer ITSS” d.o.o. Banja Luka, obavezan je ugovornom organu dostaviti dokaz o ispunjavanju uslova iz tač. 3.1.1. i 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Prijedlog ugovora dostavit će se na potpis izabranom ponuđaču, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke softvera za virtualizaciju za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-2-5389-1/16 od 01.09.2016. godine, procijenjene vrijednosti 6.840,00 KM bez uračunatog PDV-a. Postupak javne nabavke proveden je putem Konkurentskog zahtjeva, za koji je obavještenje o javnoj nabavci objavljeno na Portalu javnih nabavki broj 1161-7-1-723-3-50/16 od 06.09.2016. godine, a za šta su novčana sredstva predviđena u okviru budžetskih sredstava za 2016. godinu

Komisija II za provođenje postupka nabavke (u daljem tekstu: Komisija), dostavila je Izvještaj o radu broj 16-12-16-2-5389/16 od 27.09.2016. godine sa preporukom o izboru najpovoljnijeg ponuđača u postupku javne nabavke softvera za virtualizaciju za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 15.09.2016. godine do 13,00 sati, te da se ponude dostavljaju u zatvorenoj kovrti, Komisija je dana 15.09.2016. godine do 14,00 sati izvršila javno otvaranje ponuda.

Blagovremeno su dostavljene ukupno dvije ponude i to:

Redni broj	Naziv ponuđača	Vrijednost ponude (bez PDV-a)
1.	„Prointer ITSS” d.o.o. Banja Luka	9.226,35 KM
2.	„FIXIT“ d.o.o. Sarajevo	9.412,86 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „Prointer ITSS” d.o.o. Banja Luka i „FIXIT“ d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, te ekonomske i finansijske sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Konkurentskom zahtjevu.

Komisija je u cilju ocjene tehničkih uslova navedenih u Konkurentskom zahtjevu od Sektora za operativnu podršku aktom broj 16-12-16-2-5389/16 od 16.09.2016. godine tražila da na osnovu uvida u pristigle ponude ponuđača „Prointer ITSS” d.o.o. Banja Luka i „FIXIT“ d.o.o. Sarajevo, dostavi stručno mišljenje u vezi postavljenih tehničkih uslova. Sektor za operativnu podršku aktom broj 16-10-16-2-5389/16 od 16.09.2016. godine, potvrdio je da dostavljene ponude zadovoljavaju tehničke uslove postavljene Konkurentskim zahtjevom.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 9.1. Konkurentskog zahtjeva, konstatirajući da iste ne podliježe primjeni preferencijalnog tretmana domaćeg, te je sačinila rang listu, kako slijedi:

Redni broj	Naziv ponuđača	Vrijednost ponude (bez PDV-a)
1.	„Prointer ITSS” d.o.o. Banja Luka	9.226,35 KM
2.	„FIXIT“ d.o.o. Sarajevo	9.412,86 KM

Nakon sačinjavanja rang liste ocijenjenih ponuda, Komisija je konstatovala da ukupna ponuda najpovoljnijeg ponuđača „Prointer ITSS” d.o.o. Banja Luka iznosi 9.226,35 KM bez uračunatog PDV-a, te da ista premašuje procijenjenu vrijednost javne nabavke za 2.386,35 KM (procijenjena vrijednost javne nabavke 6.840,00 KM bez uračunatog PDV-a).

Komisija je aktom broj 16-12-16-2-5389/16 od 19.09.2016. godine od strane Sektora za materijalno-finansijske poslove, tražila mišljenje po pitanju obezbjeđenja dodatnih novčanih sredstava za realizaciju predmetne nabavke. Sektor za materijalno-finansijske poslove aktom broj 16-12-16-2-5389/16 od 26.09.2016. godine, dostavio je Komisiji informaciju da je moguće obezbijediti dodatna novčana sredstva za realizaciju predmetne nabavke.

Nakon provednog postupka ocjenjivanja dostavljene ponude, te mišljenja Sektora za operativnu podršku i Sektora za materijalno-finansijske poslove, Komisija je utvrdila da je ponuda ponuđača „Prointer ITSS” d.o.o. Banja Luka ocijenjena kao najpovoljnija, te da ne podliježe primjeni preferencijalnog tretmana domaćeg

Shodno navedenom, prihvaćen je prijedlog Komisije i odlučeno je da se ugovor u postupku javne nabavke softvera za virtualizaciju za potrebe Agencije, dodijeli ponuđaču „Prointer ITSS” d.o.o. Banja Luka, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

